

麗藻錄第二十一

光緒昌平州志卷十七

元

龍虎臺賦

江孚

吾聞幽都之山崔嵬嵒崩劣紆鬱幾萬里兮挾居庸
之南出壯乾坤之險阻兮開混沌之端倪潏龍盤而虎
踞兮屹高臺之巖岨右太行之峩峩兮左江海之湯湯
負天關之最巖兮面紫極之清光觀夫臺之爲狀也則
博敞倜儻朝昏來往嶽岑參差日月蔽虧軼雲雨於太
半俯星辰於下墀溘氛埃而軼浮景兮出淩兢而入太

微吾亦不知其高廣之若是兮蓋天地之所爲若乃峻
嶠嶺薛撐鱗奮鬣周迴連蜷蜿蜒林蒸潤而雨降
崖轉石而雷喧勢將騰海水而噴薄鼓顥氣而飛天吾
是以知臺之所以名龍神變化而無前至若嵌巖谿衍
有呀其牙孱顏岑嶸而爪而攫春花明而文炳飛泉咆
而慄魄衆山奔騫於其下兮若百獸震悼披靡而前卻
吾是以知臺之所以名虎雄萬古而旁礴爾其季春厯
日法駕北巡五輅輝煌萬騎紛紜鸞旗鳳蓋之萃麗金
干玉戚之晶熒警蹕旣啟天顏甚邇散皇風以矚幽考

聲教之所被吉行信宿於焉而止喜地勢之高平縱登
望之崩施乾心降而徵怡都人仰而稱偉於是名臣良
士朱虎夔龍迷清飆於有土虛元氣於太沖鼓舞六合
奮躍羣雄出淵潛之滯跡起巖穴之幽蹤吾又知臺之
所以名龍虎不獨山川之勝又快夫風雲上下之相從
也嗟夫威加四海知霸心之猶存直計百金昭儉德之
爲至圖功業於丹青致獲良於千里是雖可以壓銅雀
而下姑蘇又豈足以並茲臺之美乎歌曰粵瞻層臺聿
穹窿兮肇基太始垂無窮兮爰考休徵熙淳風兮於照

靈臺與俱崇兮

龍虎臺賦

有序

劉基

龍虎臺去京師相遠百里在居庸關之南右接太行之東地勢高平如臺背山而面水每歲車駕行幸上都往還駐蹕之地以其有龍盤虎踞之形故名耳

猗歟太行之山呀雲豁霧結元氣而左蟠於赫龍虎之臺摩乾輶坤魁羣山而獨尊其背則崔嵬突崒森岡巒而拱衛其勢則崑崙駸駸仰星辰之可捫白虎敦圉而

踞峙蒼龍蜿蜒而屈盤狀昂首以奮角恍颯興而雲屯
其北望則居庸巖嶨煙光翠結攢峯列戟斷崖立鐵蹜
鳥飛而不度古木樛以相掣其下視則漲海沖融飛波
洗空風帆浪舶往來莫窮想瀛洲之密邇睇三山之可
通彼呼雁戲馬適足彰其陋而眺蟾望屋曷足逞其雄
豈若茲臺之不事乎版築而靡勞乎土功也想其嶽崟
碣礧曼衍迤邐形高勢平背山面水巨靈獻其幽秘歸
邪護其光晷何嵩華之足吞豈岱宗之可擬此所以通
孔道於上都揭神京之外壘匪松喬之敢登羌乘輿之

攸止也至若四黃旣駕鹵簿旣齊方玉車之萬乘蔚翠
華之萋萋載雲罕與九游光彩絢乎虹霓山祇執警以
廣道屏號灑雨以清埃朝發軔於清都夕駐蹕於斯臺
明四目以遐覽沛仁澤於九垓眇軒轅之梁甫屑神禹
之會稽雄千古之盛典又何數乎方壺與蓬萊慨愚生
之多幸際希世之聖明雖未獲覩斯臺之壯觀敢不慕
乎頌聲遂作頌曰傑彼神臺在京之郊金城內阻靈關
外包上倚天倪下鎮地軸太行爲臂滄海爲腹崇臺峨
峨虎以踞之羣山寵嵒龍以翼之於鑠帝德與臺無窮

於隆神臺與天斯同崇臺有偉鸞駕爰止天子萬年以
介遐祉

明

大祀山陵賦

魏學禮

萬厯庚辰歲皇帝將有事於山陵宗伯以故事請
日展陵視寢永昭孝思每帝嗣統則斯禮稱焉主
上光紹鴻極八載於茲矣爰修繹典仰答神靈帝
其念哉帝曰俞是唯朕衷厥俟典禮卜日考儀則
秩宗其視厥載往欽哉乃以季春十有二日聖駕

夙蹕兩宮聖母暨中宮皇后及諸嬪妃咸輿以從
再越日肇稱祀典長永昭獻景裕茂泰康九陵及
章皇后景皇帝陵厥明上奉兩慈宮以旋后妃從
詰朝而還宮禮也臣伏睹曠儀思揚洪美惟昔何
承天有上陵篇未足以極其致乃造斯賦以仰頌
萬一云爾

皇明開天垂禩萬葉誕此神聖茂隆昌業紹九帝以駿
弘邁三代而光牒逮垂衣之八載將展視乎山陵思神
靈之在天超埃壒而崇登峻皇隴之巍峙實玉體之是

憑悵儀型之莫覲抒遐思而靡勝於是命秩宗稽懿典
詢太卜戒雲輦建行宮以待蒞兮運嘉木以經營覆善
土以清路兮望馳道之允平肅九門之環衛兮屬元侯
之上卿拱淵穆之宸居兮夾萬雉之朱城乃吉日之旣
屆兮鑿輿夙以起行闢長安之左扉兮厯輔權與璣衡
炳瑤暉於泰階兮睹斗緯之清明蔚戈鋌之先導兮振
霞采之幢旌錯五色以成章兮卷蜚飗而縱橫玉輅耀
以融麗兮儼曲蓋之蔥蒨識鹵簿之威儀兮陽羲升而
霧散兩宮皇母暨厥后妃東華東安宛見翟輦彼羣姬

之捧乘兮粲綵裾之菲菲紛翼侍之服御兮載晻靄而
交輝從官前行居守趨送駕次鞏華翩躚翠鳳旣侍膳
於慈闈朝昌平之羣衆詔奉車使馭蹕兮屯六師之如
雲虎旅集其警嚴兮刁斗遠其相聞厥明至於天壽兮
翠華弭於感恩唯詰旦以行祭兮詣長陵以停綏御青
袍以對越兮燎芬芳以猋吹列鼎俎與簋豆兮獻桂酒
以陳辭思雄武之御世兮極神謨之飛宕控九宇以張
弛兮齊弘功於肇創都燕甸以撫夏兮掃沙漠之翠帳
振長算以詔後兮鬯神明以開亮唯聖智之建始兮繫

繁祉之錫貺祭竟徹牲百官旣出更設酒脯內祀靜謐
兩宮中宮拜起齋栗聿愛敬之咸盡昭內外之若一唯
永昭之二陵實肅莊之元殿爰自仁而率親亦如儀而
躬薦獻景裕茂以及泰康章后景帝奕葉重光八陵迢
遞親禋不遑乃遣官以代祀僉縉文之是詳觀聖制之
有奕兮循宏鬯之彝章肆經緯乎天地兮亦符協乎陰
陽式遄發以還闕今朝百辟于明堂衍宗祏於萬載兮
享血食以孔長纘祖德以恆思兮流祚慶於無疆荷天
命之彌篤兮永丕式于四方

弔劉生賦

陸深

洵劉生之瓌瑋兮已亮夫言出而禍隨誕樹虛而賈實
兮紛振古之共悲測彼蒼之倚伏兮嗟生獨罹乎此時
也當明庭而鋪辭兮旣已謝乎無媒也苟忠信之自叩
兮又奚必開金石而稱奇願韜卷以有俟兮恐歲暮之
難期凌冰雪以北度兮敬弔生之芳祠空蘋藻於寒沍
兮悵瞻邇之何遲吁會合其猶然兮羌昧已而前之塞
河決於微穴兮當狂瀾之旣頽貔虎逸而負嵎兮欲徒
手而徑批臨深淵而莫戒兮聳旁觀之屢疑佩宣王之

昭訓兮亦有道而言危曰余旣知夫隱衷兮冀身卻而
道垂謂將來之可恃兮竟陳言之誰施譽厯生之故墟
兮睇西山之崔嵬尋采薇之舊蹤兮路逶迤而多歧風
號寒而木怒兮恍有遇於斯須情抑鬱而欲語兮魂靡
靡以難持儻決機於轉圜兮曰獨生之所私

國朝

嘉禾賦

有引

曹天錫

康熙六年秋時

皇帝親政伊始昌平產嘉禾一莖二穗州之父老咸以

爲僅見欲告於其長俾獻

闕廷

臣

北面稽首竊謂天無藏寶地無隱祥此固

聖德之所致非偶然也矧

大政方新而嘉禾適見意者以爲開萬世太平之基

匪慶雲甘露與夫神爵靈芝諸奇瑞可較

臣

草茅

亦瞻依日月敢不敬揚

丕美仰贊

鴻庥謹拜手稽首而獻賦曰惟我

皇之御歷垂今茲而六年處深宮以養德賴召後而周

前洵聰明之天亶乃

神聖而兼全順五行以利物舉七政以合天憫地震而
祇畏懍星變而修虔是以一統承平四方無擾來大竺
之鸚哥貢賀藍之騾裏雖

髫年之方富亦

正位之宜昭爾乃

獨御乾綱

躬親物表兇頑戾而伏誅廉法良而益皦譬穀之粃旣
揚若苗之莠已剝子少切宜其百順祕而來禋三靈協而

胥窈顧茲小郡實衛 神京想光輝之密鄰於斗極故
奇瑞之獨茁於山城如茲禾者信惠風之噓暢亦甘露
之滋零陋東皋與北里何垂金之足矜羨三苗而同穎
快一本而連莖凝細香於南陌披秀色於西城瞻異貺
兮垂纍感至穌兮豐登昭

國祚兮永禩應

厯數兮方興葉萋萋兮載蒨載翳實離離兮旣齊旣平
露溶溶兮委地風徐徐兮散馨擢穎兮雲煙在望揚芒
兮金翠皆凝此固天文以七兮滋稔列精以五兮呈靈